

躡地紀三遍飛天綱一遍一本云夫行法總不用飛天綱但言行地紀之法散為禹步不用餘法散為禹步配衣轉天關指之誦十八篇呪應口消滅後永不為災也

老君授黃帝曰百姓欲生捨百怪訣訣在左手大指甲下以右手指甲捻之

金鎖流珠引卷之二十五

金鎖流珠引卷之二十六

辭六

中華 仙人 李 淳風 注
為國王帝主拜上大元辰千車五墓却死來生令疾病除差平安如願章法此是後聖李君授天師也

太平金闕帝晨後聖玄元上道君告天師張道陵曰夫人命有長短生死皆天曹地府所配也乃下至百姓賤品亦屬於天曹地府何況人王帝主大人如有疾厄頓重即與上大元辰千車五墓出厄却疾病大章若如命速知窮筭盡壽終命速知窮者往往有也昔漢安二年七月五日帝遊於南山路見一老人素帝曰陛下速歸此月十五日日中時追使的到速陛下陛下必不得速歸下速歸長安早免李少君奏元辰千車五墓却死來生章必更得反中國若也不為必當行也帝聞大驚轉行百步回視老人不見令使追尋召至帝問卿是何人荅云金星也李安期者大仙也唯此人奏得章感上帝恩重必得允餘人

不可帝令使人迎奉得十三日今奏大章二通畢帝十四日忽卒得病其重去死分寸十五日地使作夢與帝更得九年天子適天符下云得李景玄奏少君一名玄子安期是也即上大元辰千車五墓却死來生大章即得益壽命添算祿更受生得為人王帝主也前注具說天師授得此章本三卷大約與老君本大同小異添益處甚多今世行後聖本廣者天老君告神農帝曰人生雖有本壽其中不得壽者百中有八九十人是不壽者何也人衰有厄厄者福少福多即過除衰厄外又有兇羸暴行自取其死命豈非由於人手余之不死常以書章也表扶厄度衰保身護命命所能長因授書與神農神農作養生護命志頗有大道之性嘗藥救人書表度人之厄書神農古本有三卷一卷却死章二卷除祟章三卷時號之曰與天公書是也
老君曰又授步綱為奏書法於神農神農行于雲之步亦是躡地紀了即散為禹步者是于雲也救自身亦得長壽後教弟子行救度

之法係代相傳不絕綱步今奏此書須作法
步綱捻訣收羅天地水三官之獄拔贖魂魄
出了方始表奏上帝更乞年限即得更生度
諸哀厄合死而亦更生李見者早數百人合
死弟子及風身故之皆得生命法曰先令

出辭書書狀也考召法師得狀牒五殺四瀆
神官九州社廟社公等神令先救治奏答當
先使正上關而後章奏救治即得允速考召
法師受書訖判帖社廟與同申奏令病且速
退若干日退便即躡地紀三遍配衣轉天關
○常指病處宮殿之內即當時退待奏上帝過
即病漸差愈三日之內捻都監訣等并天心
訣地心訣三訣是作法行禁壇上章訣在掌
訣中天師曰天子奏章用信鎮物已上論十
貫足二十石並是別上章儀中此書並不更
寫上章訖三日內含有告報此告報皆假託
為別言語不依實言語何也為天子之至
尊故以天曹地府不作實言報恐人以妄說
事未允而人先知故以隱言隱語深義為報
言告不令凡人知之此是天曹告報之法

如此也

為諸侯三品五品等大官上大元辰
千車五墓却死來生今疾病除差平
安如願章法百姓附圖法信物類成
十分取一分

老君曰小國諸侯侯王也即今太守官是也
侯有大小之位有重災厄疾病頓在牀枕者
可與先作撤符書撤今之帖牒是也上古言
撤符者唯有法一名印有三顆印言元始五
靈章今後聖印云太上印是時都印更有時
上天曹印即三天太上之印擬天狐狀獸及
諸侯治病用此印及受青龍白虎朱雀玄武
黃庭等五德大將軍錄用此印擬身補正炁
仙官用也撤之彼鬼神不為崇訖即勒限某
日差損差損不用上書如不損即上書古呼
章為上天公書今改書為章改天公為太平
金闕帝晨後聖玄元上道君一又云玉皇上
帝不名為天公之號也於上天公乞面勸三
官更與添年益壽必得十年二十年後呢步
准前上品中躡地紀綱祀惟前用天子之法

中祀步訣法一四用書章稍似不同也書文
則別出不具於此引中不載其百姓在法師
量其貧富濟辦得者即於此件中十分取一
分信如不得者量其辦得依力令辦不得有
闕恐事不允達

為國除蝗蟲災損食人種植香苗五
穀使天火消之法

老君曰此災非天之所為是土地神靈不為
助祐福德致令災起可以丙寅丁卯日於室
內躡紀三遍五星從木上步畢於火星三遍
○配衣轉火星為天關指符五道如此三遍訖
臨分付前禹步三步九跡訖左手分符符令
於種植處四角以竹竿標之高一丈二尺蝗
蟲災等漸漸自消除之此功甚大後聖君授
蝗蟲災害訣設在左手中指第二節符文五
道在靈寶三部雜符中不再重書出此五道
符本出上清都禁之中老君授與堯帝帝用
之施功天下人民種植後即少有蟲蝗之災
行世向堯帝之前九州每年行此災一度也
志人為國及身家修道合用法器等

科律法

老君禁誡科曰上等天仙道士合用九劍以
 佐衛天尊驅御九野剪截天魔一名等身劍
 二名紫煙朝專儀佩劍三名制魂四名斬邪
 五名衛真六名衛神七名檢天八名檢仙九
 名檢身此是天仙道士合居之此名天寶之
 器用以帶佩之中等神仙道士合用七劍一
 等身二朝專三制魔四斬邪五衛身六衛神
 七檢天此七劍也下等考召道士合用六劍
 一等身二朝專三制魔四斬邪五衛身六衛
 神此六劍主六甲一為等身後五劍主金木
 水火土五行也此三等道士用劍又出後聖
 君內號老君正曆世記說餘等人間稱上法
 道士有道德濟世能助國安邦救治百姓者
 可用四劍一等身二等朝專三制魔四斬邪
 是惟法科餘等人間紫衣紫亦上出道士合
 用三劍一勅水二護身三斬邪已上合三劍
 也絳衣道士合二劍一勅水解穢二斬邪有
 二劍絳衣道士中元四十九階錄下元八十
 一階足并一階天師法籙治職然絳衣道

士也但依天師後聖君舊儀注說若從天師
 儀注後即被陶陸妄作儀注各言二十四階
 以主二十四炁之像又言其下元即此之例
 非是正一赤衣道士此即是碧衣道士亦未
 入黃衣之數按儀舊儀天師科也黃衣合賜
 二劍碧衣青衣合許一劍也此是風光師之
 言

志人為國及身家修道用式等給數
 科儀通濟法

老君曰夫志人學道先須得通靈濟世之法
 驅神使鬼之應驗如口手相應也者莫妙於
 此法此法以符式兩行謂之天兵祝曰
 陰陽經云符是陽兵式是陰兵陰陽之法天
 下地上橫行但元倫元靈道靈立成白日昇
 仙符行靈符魂魄俱升屋宅俱行符為天真
 符性有之儀許分明張設許進是也俱用天
 地肅清此法設俱行天地日月星為之清明
 太一為之下矣天地日月分明敬停風雲散
 消魔王奔迎此道微妙飛昇上清急急如律
 令此道是老君封式符勅符言也一云封式

亦言之也
 老君曰式居有等給上等天仙道士合居一
 百二十式中神仙道士合居八十一式下
 等考召道士上古考召法師上考召四君一
 君主考召一君主正一一君主心考考召君
 亦管三一者也今人不遵其義都改為正一
 道士其三等總除之全失考召之說此是陶
 陸張三家自意識性之總說今後人根尋莫
 如其大道之源失其志人之心門路忙忙夫
 性也合居三十六式後聖君告張天師曰卿
 為天師須知三等用式前太以上排三等道
 士其君臣官人百姓末品今請天子同天仙
 道士用式數卿相同神仙道士數諸侯官人
 同考召道士數用之不失百姓防鬼去邪合
 居式六壬式也
 老君告羅文強曰天地之神皆六甲六式之
 部使也若能精思存用先尊本師師即不離
 左右教示於子百无不通也慎勿妄行為功
 也
 志人為國及身家修道傳法籙及救

人物疾病合用太上前聖老君法印
二十四窠法

老君曰此印亦有三等天仙道士得居二十四印神仙道士一十五印考召道士一十二印以用印符引并檄禁文書行用又傳法錄印佩板等行用不絕過於公中之官印行用不絕老君告天帝君曰夫大道符印給有三等道士天仙道士號天官主通天上三十六官一官有二十四曹故居二十四印以判二十四曹君官司吏也後聖君制玉京玄都制令律曰天仙道士三十六高上大臣之號有二天師號曰上宰相又有三公九卿六尚書二僕射俱如世天子官也後聖再言曰世天子以承上天之教稱號上天之子故曰天子之子而稱天子也即公臣官將與上天同負數也

考召君今天曹四君是也行太上老君印三字印也主三元天地水三官後此印驅役收捕不義之鬼不正之神邪精妖惡不伏自作

伏惡崇人以此印印符檄及書物禁斷之如不肯伏符印物而奏書而斬之次行三天太上之印六字印也主六甲此是考召道士有功於人神龍鬼即合行印傳法印牌印佩板及上清五法用之亦行大文牌牌上天曹即合用此符如單行小小考召文牌帖大符檄等月太上印也除此二印之外更有封檄賜符傳法別用者是印符符形如印非正法印名曰天賜方符也是人間考召及青衣碧衣道士得小勒字印及遂公印即是一字之符印也封符二印一印是單勒字一印是單封字是也名遂公印也使印令驗法躡地紀三

遍散為高步三步九跡配衣轉天關於左手男左女右把印隨星印符上祝曰天靈靈地靈靈神印一下百鬼潛形急急如律令印畢便封符符上又印即如此作法行之大驗矣如行之得三五年後自通神去永

更不用步網配衣也但坐存轉天關隨印天關是北斗第七星隨印印符符自當驗

志人修道恐災及身逃避及助國行水不沒不溺法

老君曰凡禁海神得水行無難復水若復地水隨心決流當以六戊日常躡地紀往往如此三年復水之道成矣夫躡地紀三遍散為高步三步九跡即配水轉天關常召海神河神江神到同欲步復水之事并禁水令逆流百種水術之法事事令海神為之後救我復水術無難之法總得還須著功於躡之道不逾三年成陸大夫行躡地紀飛天網之道常須先學出水火之要法然後始道成矣常須六戊日記之往往如此水神出現仗仗扶水行六戊日行事法先取季月中戊寅日取六

戊上土作泥麤細如小指長半寸待乾以黃線作繩縛於海神理上以黃蜜封之印以大吉印用成九已九息是也炁十一勿陳炁自覆天剛炁七加海神理上及所渡津濟立至與濟此法師口訣云先須躡地及加式有功

老君曰天仙道士行上清玉皇之印次即元始之印是常行用者神仙道士行太上玉京之印亦六字也用之與天仙道士同而印字別也次即飛天九野之印考召道士上古號

行之即得濟元功臨時為之必元應驗之能
 訣在兩足下海神目或渡河神目渡江即
 江神目各各有目常取六戊土乾者當目上
 以黃線縛之渡一切江河皆如履地不沉不
 溺此法甚驗妙後聖君告天師張道陵曰此
 法履水往來如地卿須傳授志人非人勿傳
 傳亦天伐伐殺妄有人物入即流溺忽有人
 得履之如地也下人便因此水中往來之處行
 非盜之事人畏之履而避人天即伐殺老君
 曰六戊土為人形長二寸半木皮和泥木皮
 者紙也紙作筋此字音筋之義也今人多用
 故紙筋之泥筋具前法亦具戊日造黃色線
 縛於足下并拾六壬六癸等訣履水如地常
 往來之處有水跡行過之津渡无妨不可行
 當今世人多以惡如嫉能是以須勿為之甚
 佳是志人通者之註若妄為必受此疾害而
 死為極昔葛玄常為之為世人所疑呼為聖
 人雖不被國之獲罪仍被地府所奏上天太
 上玉皇喚請退仙二階致只得不死之道猶
 之制旨今臨行五截不得妄輕虎豹何况更

不見東雲駕龍駕鳳昇天學士須早知之為
 上也

金鎖流珠卷之二十六

正一天師清微先生洪百堅製作
 道教學術資訊網站

金鎖流珠引卷之二十七

辭七

中華仙人李淳風注

志人學道縮地往來之法入洞天法附
 太上老君曰夫學道精心切志求有應驗神
 通年歲積多皆以有應有應之後即是神通
 神通之後勿用勿言以求至道之事能以慈
 心救濟人物用之不為開將戲弄逞世說我
 神通如此之人非志人也法曰先帶地軸神
 籙於左地軸籙是黃庚將軍符有三卷二十
 四將符甚能縮地脈縮千里為五里或為百
 步之間萬里為十里或為五步之間昔靈公
 先生能為之費長房過之因宿臺中一夜長
 來以經三年遂受此籙能縮地脈日行萬里
 之外不可能及其人也令人只知有縮地脈
 不知地脈亦屬止斗所管欲縮欲開皆自由
 也長房曰吾能開寸步地為千里江山千里
 江山攝為寸步地神通自在之故也如繫之
 於左說即躡地紀順反覆倒再履如此五遍
 謂之金木水土五行具也又散為萬步三